

КОРОНАВИРУС 2019 (КОВИД-19) ЦАР ТАХЛААС СЭРГИЙЛЭХ ЗОРИУЛАЛТААР 6 САРААС 11 НАСНЫХАНД ЯАРАЛТАЙ ХЭРЭГЛЭХ ЗӨВШӨӨРӨЛТЭЙ (ЯХЗ) ПФАЙЗЕР-БИОНТЕК КОВИД-19 ВАКЦИНЫ (2023-2024 ТОМЬЁО) ТУХАЙ ҮЙЛЧЛҮҮЛЭГЧИД БА ЭРҮҮЛ МЭНДИЙН АЖИЛЧДАД ЗОРИУЛСАН МЭДЭЭЛЛИЙН ХУУДАС

Таны хүүхдэд SARS-CoV-2 вирусаар халдварладаг коронавирус 2019 (КОВИД-19) өвчнөөс урьдчилан сэргийлэх зорилгоор Пфайзер-Бионтек КОВИД-19 вакциныг (2023-2024 оны томьёо) санал болгож байна. Энэхүү мэдээллийн хуудас нь танд өнөөгийн КОВИД-19 цар тахлын улмаас танд хүүхэд хийлгэж болзошгүй, цаашид Пфайзер-Бионтек КОВИД-19 вакцин гэх Пфайзер-Бионтек КОВИД-19 вакцины (2023-2024 оны томьёо) эрсдэл, давуу талуудын талаар ойлгоход туслах мэдээлэл агуулдаг. Хэрвээ танд асуулт үүсвэл та хүүхдийнхээ вакцин нийлүүлэгчтэйгээ ярина уу.

Энэхүү Мэдээллийн Хуудас цаашид шинэчлэгдэх болно. Хамгийн сүүлийн Мэдээллийн Хуудсыг <https://www.covidvaxoption.com> вэбсайтаас үзнэ үү.

АНУ-ын Хүнс, Эмийн Захиргаанаас (ХЭЗ) Пфайзер-БионТек КОВИД-19 вакциныг КОВИД-19 цар тахлын үед хэрэглэх боломжтой болгохын тулд Яаралтай хэрэглэх зөвшөөрөл (ЯХЗ) олгосон (энэ бичиг баримтын төгсгөлд буй ЯХЗ-ийн талаар дэлгэрэнгүй мэдээллийг "**ЯАРАЛТАЙ ХЭРЭГЛЭХ ЗӨВШӨӨРӨЛ ГЭЖ ЮУ ВЭ?**" хэсгээс үзнэ үү). Тус Пфайзер-БионТек КОВИД-19 нь АНУ-д ХЭЗ-аас зөвшөөрөгдсөн вакцин биш юм. Пфайзер-БионТек КОВИД-19 вакцины тухай мэдээллийг энэхүү Мэдээллийн хуудаснаас уншина уу.

КОВИД-19 ГЭЖ ЮУ ВЭ?

КОВИД-19 өвчин нь SARS-CoV-2 хэмээх коронавирусаас үүсдэг. Та вирус тээж буй хүнтэй ойртож харьцсанаар КОВИД-19-ийн халдвар авч болзошгүй.

Энэ бол ихэвчлэн бусад эрхтэнүүдэд нөлөөлж болзошгүй амьсгалын замын өвчин юм. КОВИД-19-ээр өвдсөн хүмүүст өргөн хүрээний шинж тэмдэгүүд илэрдэг ба дундаж зэргээс маш хүнд шинж тэмдэг илэрч, үхэлд ч хүргэж болдог. Вирусын халдвар авснаас хойш 2-оос 14 хоногийн дараа шинж тэмдэг илэрч болно. Шинж тэмдгүүд доорхийг нэгтгэнэ: халуурах; бие арзайх; ханиах; амьсгалахад хүндрэлтэй болох; ядрах; булчин ба бие өвдөх; толгой өвдөх; үнэртэх болон амтлах чадвараа алдах; хоолой хөндүүрлэх; хамар битүүрэх; нус гоожих; дотор муухайрах; бөөлжих; гүйлгэх.

ПФАЙЗЕР-БИОНТЕК КОВИД-19 ВАКЦИН ГЭЖ ЮУ ВЭ?

Пфайзер-БионТек КОВИД-19 вакцин нь КОВИД-19-өөс урьдчилан сэргийлэх зорилгоор 6 сараас 11 насны хүүхдүүдэд хэрэглэх вакцин юм¹. ХЭЗ нь ЯХЗ-ийн дагуу Пфайзер-БионТек КОВИД-19 вакциныг яаралтай хэрэглэх зөвшөөрөл олгосон.

Пфайзер-БионТек КОВИД-19 вакцин нь хүн бүрийг хамгаалж чадахгүй байж магадгүй.

¹ Пфайзер-БионТек КОВИД-19 вакцин нь (2023-2024 томьёо) SARS-CoV-2 Омикрон хувилбарын ХВВ.1.5 (Омикрон ХВВ.1.5) баяжуулалтын уургийг кодогдог.

ТА ХҮҮХДЭДЭЭ ПФАЙЗЕР-БИОНТЕК КОВИД-19 ВАКЦИНЫГ ХИЙЛГЭХЭЭС ӨМНӨ ВАКЦИН НИЙЛҮҮЛЭГЧДЭЭ ЮУГ МЭДЭЭЛЭХ ШААРДЛАГАТАЙ ВЭ?

Та вакцин нийлүүлэгчдээ өөрийнхөө хүүхдийн эрүүл мэндийн байдлын тухай, доорхыг оруулан мэдэгдэнэ:

- ямар нэгэн харшилтай
- өмнө нь миокардит (зүрхний булчингийн үрэвсэл) эсвэл перикардит (зүрхний гаднах бүрхүүлийн үрэвсэл) зэрэг өвчнөөр өвдөж байсан эсэх
- халуурч байгаа
- цус алдалтын эмгэгтэй эсвэл цус шингэлэгч эм хэрэглэдэг
- дархлаа суларсан эсвэл таны дархлааны тогтолцоонд нөлөөлөх эм хэрэглэдэг
- жирэмсэн
- хөхүүл
- өөр ямар нэгэн КОВИД-19-ийн вакцин хийлгэсэн
- тарилгаас шалтгаалан ухаан алдаж байсан

ВАКЦИНЫГ ЯАЖ ХИЙДЭГ ВЭ?

Пфайзер-БиоНТек КОВИД-19 вакциныг тариа байдлаар булчинд тарьж хэрэглэнэ.

6 сараас 4 насныханд

- **Вакцин хийлгээгүй хүмүүст:** Пфайзер-БиоНТек КОВИД-19 вакцины гурван тунг дор хаяж 11 долоо хоногийн турш хийнэ. Эхний 2 тунг 3 долоо хоногийн зайтай хийнэ. Гурав дахь тунг хоёр дахь тунгаас хойш багадаа 8 долоо хоногийн дараа хийнэ.
- **Пфайзер-БиоНТек КОВИД-19 вакцины (Анхны моновалент)²эсвэл Пфайзер-БиоНТек КОВИД-19, Бивалент вакцины 1 тунг хийлгэсэн хүмүүст³:** Пфайзер-БиоНТек КОВИД-19 вакцины хоёр тунг хийнэ. Пфайзер-БиоНТек КОВИД-19 вакцины эхний тунг Пфайзер-БиоНТек КОВИД-19 вакцин (Анхны моновалент) эсвэл Пфайзер-БиоНТек КОВИД-19, Бивалент вакцин хийлгэснээс хойш багадаа 2 сарын дараа хийх бөгөөд хоёр дахь тунг багадаа 8 долоо хоногийн дараа хийнэ.
- **Пфайзер-БиоНТек КОВИД-19 вакцины КОВИД-19 вакцины 2-оос 4 тунг хийлгэсэн эсвэл**
Пфайзер-БиоНТек КОВИД-19, Бивалент вакцин хийлгэсэн хүмүүст: Пфайзер-БиоНТек КОВИД-19 вакцины нэг тунг Пфайзер-БиоНТек КОВИД-19 вакцины (Анхны моновалент) өмнөх сүүлийн тунг эсвэл Пфайзер-БиоНТек КОВИД-19, Бивалент вакцин хийлгэснээс хойш багадаа 8 долоо хоногийн дараа хийнэ.

² Анхны моновалент Пфайзер-БиоНТек КОВИД-19 вакцин нь АНУ-д хэрэглэх зөвшөөрөлгүй болсон зөвхөн анхны SARS-CoV-2 баяжуулалтын уургийг кодлодог.

³ Пфайзер-БиоНТек КОВИД-19 вакцин нь АНУ-д хэрэглэх зөвшөөрөлгүй болсон зөвхөн анхны SARS-CoV-2 болон Омикрон BA.4/BA.5 SARS-CoV-2 баяжуулалтын уургийг кодлодог.

5 наснаас 11 насны хүүхдүүдэд

- **Вакцин хийлгээгүй хүмүүст:** Пфайзер-БиоНТек КОВИД-19 вакцины нэг тунг хийнэ.
- **Моновалент КОВИД-19 вакцин⁴ эсвэл бивалент КОВИД-19 вакцины нэг эсвэл түүнээс дээш тунг хийлгэсэн хүмүүст⁵:** Пфайзер-БиоНТек КОВИД-19 вакцины нэг тунг моновалент КОВИД-19 вакцин эсвэл бивалент КОВИД-19 вакцины өмнөх сүүлийн тунг хийлгэснээс хойш багадаа 2 сарын дараа хийнэ.

6 сараас 11 нас хүртэлх дархлаа султай хүмүүс

Пфайзер-БиоНТек КОВИД-19 вакцины нэмэлт тунгуудыг хийж болно. Дэлгэрэнгүй мэдээлэл авахыг хүсвэл хүүхдийнхээ эрүүл мэндийн үйлчилгээ үзүүлэгчтэйгээ ярилцана уу.

ПФАЙЗЕР-БИОНТЕК КОВИД-19 ВАКЦИНЫГ ХЭН ХИЙЛГЭЖ БОЛОХГҮЙ ВЭ?

Аливаа хүн дараах тохиолдолд Пфайзер-БиоНТек КОВИД-19 вакциныг хийлгэж болохгүй:

- Пфайзер-БиоНТек КОВИД-19 вакцины өмнөх тунг хийлгэсний дараа хүнд хэлбэрийн харшлын урвал илэрсэн
- эдгээр вакцины аль нэг найрлагад хүчтэй харшлын урвал үзүүлсэн.

ЭНЭ ВАКЦИНЫ НАЙРЛАГАД ЯМАР БОДИСУУД ОРСОН БЭ?

Пфайзер-БиоНТек КОВИД-19 вакцин нь дараах бүрэлдэхүүн хэсгүүдийг агуулдаг: мессенжер рибонуклеины хүчил (mRNA), липидүүд (((4-гидроксибутил)азанедиил)бис(гексан-6,1-диил)бис(2-гексилдеcanoат), 2 [(полиэтилен) гликол]-2000]-N,N-дитетрадецилацетамид, 1,2-дистеариол-сн-глицеро-3-фосфохолин ба холестерин), трометамин, трометамин гидрохлорид, сахароз. Пфайзер-БиоНТек КОВИД-19 вакцин нь натрийн хлорид агуулсан байж болно.

ЭНЭ ВАКЦИН ӨМНӨ НЬ ХЭРЭГЛЭГДЭЖ БАЙСАН УУ?

6 сар ба түүнээс дээш насны олон сая хүн ЯХЗ-ийн дагуу Пфайзер-БиоНТек КОВИД-19 вакциныг хийлгэсэн.

Клиникийн судалгаанаас үзэхэд 6 сараас 23 сар хүртэлх насны 1,200 хүүхэд, 2-оос 4 насны ойролцоогоор 1,800 хүүхэд, 5-аас 11 насны ойролцоогоор 3,100 хүүхэд Пфайзер-БиоНТек КОВИД-19 вакцины (Анхны моновалент) дор хаяж 1 тунг хийлгэсэн байна. Өөр клиникийн судалгаанаас үзэхэд 12 наснаас дээш насны ойролцоогоор 23,000 хүн Пфайзер-БиоНТек КОВИД-19 вакцины (Анхны моновалент) багадаа 1 тунг хийлгэсэн байна.

Клиник судалгаануудаас үзэхэд 6 сараас 4 нас хүртэлх 60 хүн, 5-11 насны 113 хүн, 12-17 насны 107 хүн, 18-55 насны 103 хүн, 55-аас дээш насны 106 хүн Пфайзер-БиоНТек КОВИД-19, Бивалент вакцины нэг тунг хийлгэсэн байна.

⁴ Моновалент гэдэг нь зөвхөн анхны SARS-CoV-2-ын баяжуулалтын уургийг кодлодог КОВИД-19 вакциныг хэлнэ.

⁵ Бивалент гэдэг нь зөвхөн анхны SARS-CoV-2 болон Омикрон BA.4/BA.5 SARS-CoV-2 баяжуулалтын уургийг кодлодог КОВИД-19 вакциныг хэлнэ.

Пфайзер-БиоНТек КОВИД-19 вакциныг Пфайзер-БиоНТек КОВИД-19 вакцин (Анхны моновалент) болон Пфайзер-БиоНТек КОВИД-19, Бивалент вакцинтай адил аргаар үйлдвэрлэсэн боловч энэ нь SARS-CoV-2 Омикрон хувилбарын ХВВ.1.5 (Омикрон ХВВ.1.5)-ийн баяжуулалтын уургийг кодолдог.

ПФАЙЗЕР-БИОНТЕК КОВИД-19 ВАКЦИНЫ АШИГ ТУС ЮУ ВЭ?

ХЭЗ нь Пфайзер-БиоНТек КОВИД-19 вакциныг КОВИД-19-өөс сэргийлэх зорилгоор хэрэглэх зөвшөөрөл олгосон.

КОВИД-19-ээс хамгаалах чадвар үргэлжлэх хугацаа тодорхой бус байна.

ПФАЙЗЕР-БИОНТЕК КОВИД-19 ВАКЦИН ЯМАР ЭРСДЭЛТЭЙ ВЭ?

Вакцин нь харшлын ноцтой урвал өгөх боломжтой. Хүнд хэлбэрийн харшлын хүнд урвал нь вакцины тунг хийлгэсний дараа хэдэн минутаас нэг цагийн дотор илэрнэ. Энэ шалтгаанаар вакцин нийлүүлэгч таны хүүхдээс вакцин хийлгэсний дараа түүний биеийн байдлыг хянахаар тус байранд хэсэг хугацаанд байхыг асууж болно. Хүнд хэлбэрийн харшлын урвалын шинж тэмдэг:

- Амьсгалахад хүндрэлтэй болох
- Нүүр, хоолой хавагнах
- Зүрх хурдан цохилох
- Биеийн бүх хэсэгт тууралт гарах
- Толгой эргэх ба сульдах

MRNA КОВИД-19 вакцин хийлгэсэн зарим хүмүүс миокардит (зүрхний булчингийн үрэвсэл) эсвэл перикардитаар (зүрхний гаднах салст бүрхүүлийн үрэвсэл) өвдсөн. Пфайзер-БиоНТек КОВИД-19 вакцины дараах миокардит, перикардит нь 12-17 насны өсвөр насны эрэгтэйчүүдэд ихэвчлэн тохиолдсон. Энэ хүмүүсийн ихэнхэд нь вакцин хийлгэснээс хойш хэд хоногийн дотор шинж тэмдэг илэрч эхэлсэн. Ийм тохиолдол үүсэх магадлал маш бага. Хэрэв таны хүүхдэд вакцин хийлгэсний дараа, ялангуяа вакцины нэг тунг хийлгэснээс хойш 2 долоо хоногийн дотор дараах шинж тэмдгүүдийн аль нэг нь илэрвэл та яаралтай эмнэлгийн тусламж авах хэрэгтэй:

- Цээжээр өвдөх
- Амьсгал давчдах эсвэл амьсгалахад хэцүү болох
- Зүрх хурдан, жигд бус, дэлсэх мэдрэмж төрөх

Ялангуяа таны хүүхдэд илэрч болзошгүй нэмэлт шинж тэмдгүүд:

- Ухаан алдах
- Хэвийн бус байх, байнга цухалдах
- Хоолны дуршил хэвийн бус болох, муудах
- Хэвийн бус, байнга ядрах эсвэл эрч хүчгүй болох
- Байнга бөөлжих
- Хэвлийгээр байнга өвдөх
- Хэвийн бус, байнга даарах, арьс цонхийх

Пфайзер-БиоНТек КОВИД-19 вакцины сөрөг нөлөөг дараах байдлаар мэдээлсэн. Үүнд:

- Хүнд хэлбэрийн харшлын урвал
- Тууралт, загатналт, улайлт, чонон хөрвөс, нүүр хавагнах зэргийн хүнд бус харшлын урвалууд
- Миокардит (зүрхний булчингийн үрэвсэл)
- Перикардит (зүрхний гадна талын салст бүрхэвчийн үрэвсэл)
- Тарьсан хэсэгт өвдөх/өвдөх
- Ядрах
- Толгой өвдөх
- Булчингаар өвдөх
- Бие арзагнах
- Үе мөч өвдөх
- Халуурах
- Тарьсан хэсэгт хавдах
- Тарьсан хэсэгт улайх
- Дотор муухайрах
- Бие эвгүйрэх
- Тунгалгийн булчирхай хавдах (лимфаденопати)
- Хоолны дуршил буурах
- Гүйлгэх
- Бөөлжих
- Гар өвдөх
- Вакцин хийлгэсэнтэй холбоотойгоор ухаан алдах
- Толгой эргэх
- Ундууцах

Эдгээр нь бүх боломжит гаж нөлөө биш байж магадгүй юм. Ноцтой ба гэнэтийн сөрөг нөлөө үүсэж болзошгүй. Боломжит сөрөг нөлөөг судалж байгаа хэвээр байна.

СӨРӨГ НӨЛӨӨ ҮҮССЭН ТОХИОЛДОЛД БИ ЮУ ХИЙХ ХЭРЭГТЭЙ ВЭ?

Хэрвээ таны хүүхдэд хүнд хэлбэрийн харшлын урвал илэрвэл 9-1-1 утас руу залгах эсвэл хамгийн ойрын эмнэлэгт хандана уу.

Хэрэв таны хүүхдийн сөрөг нөлөө арилахгүй хэвээр байгаа бол вакцин хийлгэсэн байгууллага эсвэл эрүүл мэндийн үйлчилгээ үзүүлэгчтэйгээ холбогдоно уу.

Вакцины гадны нөлөөг FDA/CDC Вакцины Сөрөг Нөлөө Мэдээллэх Тогтолцоонд (VAERS) мэдээллэнэ үү. ВСНМС-ийн 1-800-822-7967 үнэгүй утасны дугаар эсвэл <https://vaers.hhs.gov/reportevent.html> вебсайтад онлайн горимд мэдээллэнэ үү. Тайлангийн маягтын 18-р хэсгийн эхний мөрөнд "Пфайзер-БиоНТек КОВИД-19 вакцины (2023-2024 оны томьёо) ЯХЗ" гэж оруулна уу.

Үүний зэрэгцээ та сөрөг нөлөөний тухай доорх дугааруудаар Pfizer Inc-т шууд мэдэгдэж болно.

Вебсайт	Факсын дугаар	Утасны дугаар
www.pfizersafetyreporting.com	1-866-635-8337	1-800-438-1985

ХЭРВЭЭ БИ ХҮҮХЭДДЭЭ ПФАЙЗЕР-БИОНТЕК КОВИД-19 ВАКЦИН ХИЙЛГЭХГҮЙГЭЭР ШИЙДСЭН БОЛ ЯАХ ВЭ?

ЯХЗ-ийн дагуу энэ вакцинд хамрагдах эсвэл татгалзах сонголт хийх боломжтой. Хэрэв та хүүхдэдээ энэ вакциныг хийлгэхгүй гэж шийдсэн бол энэ нь стандарт эмнэлгийн тусламж авахад нөлөө үзүүлэхгүй.

ПФАЙЗЕР-БИОНТЕК КОВИД-19 ВАКЦИНААС ГАДНА КОВИД-19-ӨӨС УРЬДЧИЛАН СЭРГИЙЛЭХ ӨӨР ВАКЦИН БАЙДАГ УУ?

SARS-CoV-2 Омикрон хувилбарын ХВВ.1.5 (Омикрон ХВВ.1.5) баяжуулалтын уургийг кодолдог вакцин зэрэг КОВИД-19-өөс урьдчилан сэргийлэх бусад вакцинуудыг ЯХЗ-ийн хүрээнд хийлгэх боломжтой.

МИНИЙ ХҮҮХЭД ПФАЙЗЕР-БИОНТЕК КОВИД-19 ВАКЦИНЫГ БУСАД ВАКЦИНТАЙ НЭГ ЗЭРЭГ ХИЙЛГЭЖ БОЛОХ УУ?

ХЭЗ-д Пфайзер-БиоНТек КОВИД-19 вакциныг бусад вакцинтай нэгэн зэрэг хэрэглэх талаарх мэдээлэл хараахан ирээгүй байна. Хэрэв та хүүхдээ Пфайзер-БиоНТек КОВИД-19 вакциныг бусад вакцинуудтай хамт хийлгэх хэрэгтэй гэж үзэж байвал эмнэлгийн ажилтнуудтай зөвлөлдөнө үү.

ХЭРЭВ МИНИЙ ХҮҮХЭД ДАРХЛАА СУЛТАЙ БОЛ ЯАХ ВЭ?

Дархлаа султай 6 сараас 11 настай хүүхдүүдэд Пфайзер-БиоНТек КОВИД-19 вакцины нэмэлт тунг хийлгэж болно (дээрх **ВАКЦИНЫГ ХЭРХЭН ХИЙЛГЭХ ВЭ?** хэсгийг үзнэ үү).

Вакцинжуулалт нь дархлаа султай хүмүүст КОВИД-19-ийн бүрэн дархлаа тогтоохгүй байж болзошгүй тул та хүүхдээ КОВИД-19-өөс урьдчилан сэргийлэхийн тулд бодит арга хэмжээг үргэлжлүүлэх хэрэгтэй. Таны хүүхдийн ойр дотны хүмүүс зохих ёсоор вакцинжуулалтад хамрагдах хэрэгтэй.

ЖИРЭМСЭН ЭСВЭЛ ХӨХҮҮЛ БОЛ ЯАХ ВЭ?

Хэрэв таны хүүхэд жирэмсэн эсвэл хөхүүл бол эрүүл мэндийн үйлчилгээ үзүүлэгчтэйгээ сонголтынхоо тухай ярилцана уу.


ВАКЦИН МИНИЙ ХҮҮХЭДЭД КОВИД-19 ХАЛДААХ УУ?

Үгүй. Энэ вакцин нь SARS-CoV-2 агуулдаггүй бөгөөд таны хүүхдэд КОВИД-19 халдаахгүй.

НЭМЭЛТ МЭДЭЭЛЭЛ

Хэрэв танд асууж лавлах зүйл байвал вебсайтад зочлох эсвэл доорх утсаар холбогдоно

уу. Хамгийн сүүлийн Мэдээллийн Хуудаст орохын тулд доорх QR кодын скан хийнэ үү.

Глобал Вебсайт	Утасны дугаар
<p>www.cvdvaccine.com</p> 	1-877-829-2619 (1-877-VAX-CO19)

БИ ХЭРХЭН ДЭЛГЭРЭНГҮЙ МЭДЭЭЛЭЛ АВАХ ВЭ?

- Вакцин нийлүүлэгчээс лавлаж асууна уу.
- Холбоосын дагуу CDC-тай холбогдоно уу <https://www.cdc.gov/coronavirus/2019-ncov/index.html>.
- Холбоосын дагуу FDA-тай холбогдоно уу <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>.
- Орон нутгийн эсвэл мужийнхаа эрүүл мэндийн хэлтэстэй холбогдоно уу.

ВАКЦИНЖУУЛАЛТЫН МЭДЭЭЛЭЛ ХААНА ХАДГАЛАГДАХ ВЭ?

Вакцины үйлчилгээ үзүүлэгч нь таны хүүхдийн вакцинжуулалтын мэдээллийг танай муж улсын/орон нутгийн харьяаллын Дархлаажуулалтын мэдээллийн систем (IIS) эсвэл бусад зориулалтын системд оруулж болно. ДМС-ийн талаарх дэлгэрэнгүй мэдээллийг: <https://www.cdc.gov/vaccines/programs/iis/about.html> холбоосоор нэвтэрч авна уу.

ХОХИРЛЫН НӨХӨН ТӨЛБӨРИЙН ХӨТӨЛБӨР ГЭЖ ЮУ ВЭ?

Хохирлын нөхөн төлбөрийн хөтөлбөр (CICP) нь тодорхой эм, вакцин, түүний дотор энэ вакцинаас болж ноцтой хохирсон хүмүүсийн эмчилгээний зардал, бусад тодорхой зардлуудыг нөхөн төлөхөд туслах холбооны хөтөлбөр юм. Ерөнхийдөө вакцин хийлгэснээс нэг (1) жилийн дотор CICP-т өргөдөл гаргах ёстой. Энэхүү хөтөлбөрийн талаар дэлгэрэнгүй мэдээлэл авахыг хүсвэл www.hrsa.gov/cicp/ вебсайт эсвэл 1-855-266-2427 утсаар холбогдоно уу.

ЯАРАЛТАЙ ХЭРЭГЛЭХ ЗӨВШӨӨРӨЛ ГЭЖ ЮУ ВЭ (EUA)?

ХЭЗ нь Пфайзер-БиоНТек КОВИД-19 вакциныг ЯХЗ гэж нэрлэгддэг яаралтай хэрэглэх механизмын дагуу ашиглах боломжтой болгосон. EUA нь Эрүүл Мэндийн Алба ба Хүний Үйлчилгээ (HHS)-ээс дэмжигддэг ба КОВИД-19 цар тахлын үед биологийн ба эмийн бүтээгдэхүүнүүдийг яаралтай хэрэглэх баталгааг гаргадаг. Яаралтай хэрэглэх зөвшөөрөл авсан бүтээгдэхүүн нь FDA-аас зөвшөөрөгдсөн бүтээгдэхүүнтэй адил төрлийн FDA-н хяналтад хамрагдаагүй.

АНУ-ын ХЭЧХГ нь өөр ямар нэгэн адил төстэй, батлагдсан, боломжит хувилбар байхгүй гэсэн тодорхой шалгуурыг хангасан тохиолдолд ЯХЗ олгоно. Мөн түүнчлэн ХЭЗ-ны шийдвэр нь уг бүтээгдэхүүн нь COVID-19 тахлын үед COVID-19-ээс урьдчилан сэргийлэхэд үр дүнтэй бөгөөд бүтээгдэхүүний мэдэгдэж байгаа болон боломжит үр дүн нь эрсдэлээс хамгаалах нөлөөтэй гэдгийг шинжлэх ухааны бүх нотолгоогоор баталсан байна. Бүтээгдэхүүнийг ЯХЗ-ийн дагуу КОВИД-19 цар тахлын үед ашиглахын тулд эдгээр бүх шалгуурыг хангасан байх ёстой.

ЯХЗ нь бүтээгдэхүүнийг цуцлах эсвэл хүчингүй болгохоос бусад тохиолдолд (үүний дараа бүтээгдэхүүнийг цаашид ашиглахгүй) яаралтай хэрэглэхийг зөвшөөрсөн КОВИД-19-ийн ЯХЗ-ийн мэдэгдлийн хугацаанд хүчин төгөлдөр байна.

BIONTECH

Үйлдвэрлэсэн

BioNTech Manufacturing GmbH

An der Goldgrube 12

55131 Mainz, Germany



Үйлдвэрлэсэн

Pfizer Inc., New York, NY 10001

LAB-1572-2.7a

Хянасан: 2023 оны 9-р сарын 11



Энэхүү Мэдээллийн Хуудсыг вакцинд хамарсан хүмүүсийн эрүүл мэндийн цахим бүртгэл/дархлаажуулалтын мэдээллийн тогтолцоонд оруулсныг батлахаар скан хийж үзнэ үү.

ББГДТ: 0886983000585